

Che él pa I PNRR?

L Pian Nazionèl de Rescomenz e Resilienza (PNRR) l é l strument che met dant i obietives, la reformes e i investiments che la Tèlia vel fèr de gra ai fondi europeegn de Next Generation EU, per deslejierir I peis economich e sozièl de la pandemia e fèr a na moda che la Tèlia sie n Paisc piú giust, ecologich e inclusif, con na economia piú competitiva, dinamica e inovativa.

L PNRR l tol ite trei prioritèdes trasversèles condividudes a nivel european (digitalisazion e inovazion, transizion ecologica e inclujion sozièla) e l se svilupea aldò de 16 Componentes, binèdes ensema te 6 miscions:

- Digitalisazion, inovazion, competitività, cultura e turism (M1)
- Revoluzion e transizion ecologica (M2)
- Infrastrutures per na mobilità sostegnibola (M3)
- Istruzion e enrescida (M4)
- Inclujion e coejion (M5)
- Sanità (M6)

Descour de piú sul PNRR (<https://www.italiadomani.gov.it/content/sogei-ng/it/it/home.html>)

Projec finanzié dal PNRR - Inclujion e Coejion (M5)

la Provinzia autonoma de Trent che la é en coleament diret col Minister competent, desche soget atuator. L Comun General de Fascia l operea desche soget atuator a nivel local

1) Sub Investiment 1.1.1 "Sostegn a la capacitèdes genitorièles e prevenzion de la vulneraboltà de la families e di bec" - C44H22000450006

L projet à desche obietif renforzèr i servijes de assistenza sozièla per sostegnir la capacità genitorièla e i bec de mendra età e la families che vif te condizions scherpentes e vulneraboles, per smendrèr o schivèr l risech de slontanament di bec/joegn da sie familia.

Lurier del Comun General de Fascia: soget atuator a nivel local

Suma finanzièda da l'Union Europeèna - Next Generation EU destinèda a nosc teritorie: € 42.300,00

Stat del projet: en cors

2) Sub Investiment 1.1.3 "Smaorèr i servijes sozièi a cèsa, acioche la jent no vegne ricoverèda e per smendrèr l temp che la passa te ospedèl " - CUP C44H22000460006

L projet à desche obietif l renforzament di servijes sozièi a cèsa col meter su équipe profesionèles, con scomenzadives de formazion specifiga, per miorèr l sparpagnament di servijes sozièi sun dut l teritorie e favorir la deistituzionalisazion e l jir deretorn a cèsa da ospedèl, de gra ai servijes e strutures per l'assistenza a cèsa integrèda.

L é stat metù a jir doi azions del projet:

- 1) Azion A1 – Meter a jir servijes de assistenza a cèsa sozio-assistenzèla "Demiscions stravardèdes"
- 2) Azion B1 – Meter a jir servijes de assistenza a cèsa estrapede i livie essenzièi

Lurier del Comun General de Fascia: soget atuator a nivel local

Suma finanzièda da l'Union Europeèna - Next Generation EU destinèda a nosc teritorie: € 12.000,00

Stat di projec: seré su.

3) Sub Investiment 1.1.4 "Renforzament servijes sozièi e prevenzion del fenomen del burn out anter i operadores sozièi" CUP C44H22000480006

L projet à desche obietif renforzèr la calità del servije sozièl profesionèl e piú avisa la prevenzion del fenomen del burn out anter i operadores sozièi, tras azions de supervijion, che tol ite percorsc de confront e de condivijion, che i compagne l operator sozièl te sie lurier, portà dant per arsegurèr e e mantegnir sie bonstèr, ge dèr l met de meter en esser mic che se pel la funziions ti confronc de la persones benefizières di servijes, col aer endodanef consaputa del segnificat e del valor de sie lurier.

L projet é stat metù a jir en colaborazion co la Comunità Teritorièla de Fiem, Ent capogrop.

Suma finanzièda da l'Union Europeèna - Next Generation EU
Stat del projet: Serà su